

Dawro - Agape Maxaafatuwaa - God's Love Letter Scriptures

**Yohaannisa 15:9 Aawuu Taana siiqeeddawaadan, Taanikka hinttentta
siiqaaddi; Ta siiquwan deite.**

**Isayaase 43:1,2 - Efesoona 2:10 Ayissi gooppe, nuuni Xoossaa medhetaa; I
nuussi kasetiide giigissi wotheedda lo77o oosuwaa nuuni oothanaadan,
Kiristtoosi Yesuusa bagganna nuuna medhdheedda.**

**Ermiyaasi 1:5 - Galaatiyaa 1:15/16 Shin Xoossay bare aadho keekatethaan,
taani biro ta dayi uluwaan deishshin, barew oothanaw taana xeeseedda;
aabaa odiyaa mishiraachchuwaa qaalaayi Ayihuda gidenna asaw taani
odana mala, Xoossay bare Na7aa taw qonccissanaw koyyedda wode,
zorettanaw ookkonne babeykki.**

**Yohaannisa 15:16 Taani hinttentta dooreeddawaappe attin, hinttenttu
Taana dooribeykkita. Hinttenttu biide ayfiyaa ayfana malanne deana
mala, Taani hinttentta sunthaaddi. Qassi Aawuukka hinttenttu Ta
sunthan woosseeddawaa ubbaa immana.**

**3 Yohaannisa 1:2 Ta siiqoo, neeni Xoossaanna deiyaa deuu loa gidiyaawaa
taani eriyaawaadan, neena ayayiinne waayissenna malanne qassi ne
asatethay paxa gidana mala, Xoossaa woossay.**

**Isayaase 43:4 - 1 Phexroosa Kiitaa 2:9,10 Shin Xoossay dhumaappe
maalalissiyaa bare poo7oo hinttena xeeseedda; hintte A ooratha
oosuwaa odanaw dooretteedda zare; hintte kaatiyaa qeesatuwaa;
geeshsha asanne Xoossaassi buzo asa. 10 Hintte kase Xoossaa asa
gidikkita; shin hai hintte A asa; hintte kase maarotethaa akkibeykkita;
shin hai maarotethaa akkeedda.**

**Ermiyaasi 31:3 - Efesoona 1:4 Nuuni A sinthan geeshshatuwaanne pokkuu
bayinnawantta gidana mala, Xoossay nuuna saay medhettanaappe kase,
Kiristtoosa bagganna bare siiquwan dooreedda.**

**2 Ximootoosa 1:9 Xoossay bare qofaaninne bare aadho keekatethan nuuna
ashshiide, bare asaa oothanaw xeesowaappe attin, nuuni ootheedda
oosuwaa diraw gidenna. I ha aadho keekatethaa Kiristtoosi Yesuusa
bagganna wodii doomettanaappe kase nuussi immeedda.**

**Yohaannisa 3:16 Xoossaa Na7aa ammaniyyaa ubbay medhinaa deuwa
akkanaappe attin, dhayenna mala, Xoossay ha alamiyyaa asaa loythi
siiqeenda diraw, bare mexxi itti Na7aa immeedda.**

Hoosea 11:8; Isayaase 49:15,16; & Isayaase 41:13,14

Luyqaasa 12:32 Hinttenttu guutha gidinttonne, saluwaa hinttenttu aawuu bare kawutethaa hinttenttoo immanaw nashetteedda diraw yayyoppite.

Maatoossa 28:20 Taani hinttentta azazeeddabaa ubbaa untunttu naagana mala, untuntta tamaarissite; taani wodiyaa wursethay gakkanaassikka ubba wode hinttenttunna deiyaawaa akekite yaageedda.

Yohaannisa 14:1 Yesuusi kaalliyaawantta Hinttenttu wozanay hirggoppo; Xoossaan ammanite; Taanankka ammanite.

Mazimure Maxaafaan 23:1 - Yohaannisa 10:11 Taani dorssaa loytha heemmiyaawa; dorssaa loythi heemmiyaawe he dorssatuwaa diraw hayqqee.

Mazimure Maxaafaan 23:2 - Saxaa Maxaafaa 7:17 Ayissi gooppe, kawutethaa oydew giddawan utteedda Dorssay untuntta heemmana. Deuwa haathaa pultuwaakkokka untuntta kaalethana. Xoossaykka untunttu ayfiya afothaa ubbaa quccidiggana yaageedda.

Mazimure Maxaafaan 23:3,4 - Luyqaasa 1:79 A poo7uukka dhumaaninne hayquwaa kuwaan utteeddawanttoo poossee; nu gediyaakka sarotethaa ogiyaan suurissee.

Mazimure Maxaafaan 23:5,6 - 2 Qoronttoosa 1:10 Xoossay hawaa mala iita hayiquwaappe nuuna ashsheedda; I nuuna ashshana; sinthappekka I nuuna ashshanawaa giide, hidootaan naagi utteeddo.

Piliphphisiyoosa 4:7 Qassi asaa eratethaa ubbaappe aadhdhiyaa Xoossaa sarotethay hinttenttu wozanaanne hinttenttu qofaa Godaa Yesuusi Kiristtoosa bagganna naagana.

Lem. - Leemisuwan - 3:24 & Mazimure Maxaafaan 4:8 - Yohaannisa 14:27 Taani sarotethaa hinttenanna wothay; Ta sarotethaa hinttenttussi immay. Taani alamii immiya sarotethaa malaa immikke. Hinttenttu hirggoppitenne yayyoppite.

Mazimure Maxaafaan 33:18 - 1 Phexroosa Kiitaa 3:12 Ayissi gooppe, Godaa ayfii xillotuwaakko xeellee; qassi A haythay ubba wode untunttu woosaw dooya de7ee. Shin Goday iitabaa oothiyaawantta bare hanqquwaa somiyaan xeellee yaage.

Roomiyaa 5:2 qassi I nuuna hai nuuni deiya Xoossaa aadho keekatethaa giddo ammanawan aheedda; yaatina, nuuni Xoossaa bonchchuwaa shaakkanaw nuussi deiya hidootaan ceeqetteetto.

Isayaase 55:12 - Luyqaasa 19:40 Ikka zaariide, Taani hinttenttoo oday, untunttu cou gooppe, shuchchaykka waassanawaa yaageedda.

Yohaannisa 16:22 Hewaa diraw, hinttenttukka hinttenttu wozanaan kayyottiita; shin Taani laaenthuwa hinttentta beana; qassi hinttenttu wozanay loythi nashettana; hinttenttu nashechchaa ooninne hintteppe

akkenna.

**Luyqaasa 12:9 shin asaa sinthan taana kaddiyawantta taanikka asaa naay,
qassi Xoossaa kiitanchchatuwa sinthan kaddana.**

**Maatoossa 10:30 Shin haray atto, hinttenttu huuphiyan deiyaa binnanay
ubbaykka payduwaan de7ee.**

**Isayaase 54:10 - Maatoossa 24:35 Saluunne saay aadhdhana; shin ta qaalay
ubbakka aadhdhenna.**

**Maatoossa 11:28-30 Daaburanchchatoo, deexuwaa tookkowanttoo
ubbatoo, taakko haa yiite; taani hinttentta shemppissana. 29 Taani
garanne ta wozanaan ashikke gido diraw, ta morgge mithaan waaxettite;
taappe tamaarite; hinttenttu sheemppuwassikka hintte shemppuwaa
demmania. 30 Ayissi gooppe, ta morgge mithay giigaa; qassi taani
hinttentta tosseeddawekka kawushsha yaageedda.**

Solomone 2:10 & Hoosea 2:14,19,20

**2 Qoronttoosa 11:2 Xoossay qanaattiyaawaadan, taanikka hinttew
qanaatay; ayissi gooppe, taani hinttena itti attumawoo, Kiristtoosaw
immana gaade, attumawaa erenna geeshsha wodorattiidan giigissa
wothaaddi.**

**Kes. 3:14 - Ibraawe 13:8 Yesuusi Kiristtoosi zinokka hachchekka
medhinawukka laamettenna.**

**Hoosea 13:4 - Yesuusi Kiitteeddawantu Oosuwaa 4:12 Asay atotethaa
Yesuusa bagganna demmaniaappe attin, hara O baggannanne
demmena; nuuni A sunthan oothanaw bessee; ayissi gooppe, Xoossay
saluwaappe garssan asaassi immeedda hara sunthay baawa yaageedda.**

**Yohaannisa 15:14 Taani hinttentta azazeedawaa ubbaa ooothooppe,
hinttenttu Ta laggetuwaa.**

**Yohaannisa 14:6 Yesuusi zaariide, Ogii, tumuunne de7uu Taana; Ta
baggannappe attin, ooninne Ta Aabbukko baanaw danddayenna.**

**Saxaa Maxaafaa 3:20 Bea, taani karen eqqaade xeesay. Ooninne taani
xeesiyaawaa sisiide, kariyaa dooyyooppe, taani aakko gelaade aananna
ittippe kawuwaa maana; ikka taananna ittippe maana.**